

虹青烟浮黛上，巍竊兮倚空下。蟠踞而際海，其麓則有渾河。
湯湯西湖決，決鹽溝琉璃。桑乾廣陽雪，波泛湧灝漻。汪洋一
瀉千里會，流帝鄉。又有上林禁苑，此種植畜牧連郊，踰畿繚
丘彌谷，澤渚川匯，若大湖瀛海渺漭，而相屬其中，則有奇花
珍果嘉樹甘木禽獸魚鼈，豐殖繁有，鼪鼪籍籍，不可得而盡
錄。固可以因農隙而校田獵，選車徒以講武事，乃遵國風稽
王制，詔期門簡將帥，乘玉輅，擁翠蓋，出天關而雷轟，轉芳郊
而雲會，非所以威戎誇狄，娛樂騁意，蓋將取不妊而除苗害，
狩無擇而順殺氣，謹大易之用於三驅之時，驗騶虞之仁於
一發之際，水衡虞人之容與，武夫壯士之奮厲，皆知夫仁者
之爲勇，而以投石超距之足鄙，亦何必殄夷禽獸，割鮮野食
而，以俛仰極樂之爲貴也。若夫其宮室之制，則損益乎黃帝